

西
堂
詩
集

百末詞目次

小令

十六字令 一首

憶王孫 三首

轉應曲 二首

後庭花 一首

如夢令 五首

長相思 二首

歸自謠 一首

醉太平 一首

醉公子 一首

昭君怨 二首

醉花間 一首

酒泉子 一首

點絳脣 四首

春光好 一首

女冠子 一首

浣溪紗 八首

伊川令

一首

菩薩蠻

二十九首

巫山一段雲

二首

卜算子

三首

減字木蘭花

三首

醜奴兒令

一首

柳含煙

一首

謁金門

四首

憶秦娥

一首

更漏子

二首

清平樂

三首

阮郎歸

一首

喜遷鶯令

一首

海棠春

五首

攤破浣溪紗

二首

三字令

一首

眼兒嬌

一首

少年遊

一首

西江月

十二首

南柯子

二首

醉花陰

二首

雙調望江南

二首

杏花天

一首

浪淘沙

五首

鷓鴣天

二首

河傳

十三首

鵲橋仙

三首

南鄉子

六首

虞美人

四首

玉樓春

二首

梅花引

一首

踏莎行

四首

小重山

二首

中調

臨江仙

七首

蝶戀花

四首

一剪梅

三首

好女兒

二首

漁家傲

三首

定風波

一首

蘇幕遮

四首

怨東風

二首

風中柳

二首

行香子

二首

青玉案

一首

江城子

一首

千秋歲

四首

風入松

一首

祝英臺近

一首

一叢花

一首

金人捧露盤

一首

最高樓

一首

驀山溪

一首

意難忘

一首

長調

滿江紅

十八首

淒涼犯

一首

水調歌頭

六首

滿庭芳

四首

鳳凰臺上憶吹簫

一首

天香

一首

漢宮春

一首

燭影搖紅

二首

聲聲慢

一首

夢揚州

一首

夢芙蓉

一首

玉蝴蝶

二首

念奴嬌

十一首

桂枝香

二首

齊天樂

一首

水龍吟

三首

瑞鶴仙

一首

石州慢

一首

拜星月慢

一首

花犯

一首

喜遷鶯

一首

綺羅香

一首

二郎神慢 一首

歸朝歡 一首

望海潮 一首

望湘人 一首

風流子 一首

疎影 一首

霜葉飛 一首

宣清 一首

沁園春 十七首

摸魚兒 三首

賀新郎 十首

十二時 一首

蘭陵王 一首

多麗 一首

六州歌頭 一首

附詞餘

醉扶歸 一套

宜春引 一套

一半兒

四首

駐雲飛

一首

黃鶯兒

四首

針線箱

二首

羅江怨

二首

五色絲

一首

新樣四時花

二首

駐雲飛

十首

耍孩兒

二首

序

余以放廢餘生停驂吳市悔菴握手勞苦如平生各有
近詞一帙擬授無言校梓者迭爲序之追惟三十年以
來世事滄桑功名榮落不可勝計獨筆墨之緣少年積
習老而不輟自髫鬣至今追隨唱和者同里尚木質生
爾斐寅仲諸君子引爲同調而扁舟過從商榷花間草
堂之勝事者吳門獨吾悔菴耳悔菴古文詞下筆妙天
下西堂雜組已登虎觀走鷄林其所爲詞供奉于內庭
流傳于酒樓郵壁天然綺艷粉黛生妍未許元微杜牧
獨擅風流也余與悔菴齒旣肩隨息機近亦相似年月

半百意氣漸平回憶画舫尋春山房聽雨如夢如幻請
從此斗笠枯筇婆娑于支硎鄧尉之間嚙冰雪嚼梅花
槁木形骸慙然悟道則青箱紅豆之纏綿檀板金尊之
婉孌皆可一齊放下翻讀平日所作小詞疑是古人疑
是前身不復記憶則吾兩人當有嗒然而自得者況臨
去秋波悔菴早從此證入又何俟余之饒舌耶

康熙乙巳夏日嘉善年家同學弟曹爾堪拜題

百末詞

卷一

漢人以百花百草末造酒號百末酒予所作詞亦花
問草堂之末也故以名之

長洲尤 侗

小令

十六字令

夢

春夜夢香竈花影紅無人見啼笑月明中

憶王孫

懷卿謀

秋風嫋嫋洞庭波、暮雨湛湛落敗荷、數遍相思今夜多、
夜如何、獨倚南樓一雁過、

閨怨

春愁脉脉損鉛華、獨自粧成坐碧紗、蕩子經年不到家、
隔天涯、一夜相思楊白花、

閨情

一春心事付睂尖、小院無人風雨纖、落盡桃花倚繡奩、
思淹淹、燕子歸家不捲簾、

轉應曲

春雨

春雨春雨。花上淚痕幾許。東風吹到紗窗。日日愁來斷腸。腸腸斷腸斷。又續新愁一半。

中秋雨

秋雨秋雨。滴碎瓊宮霓羽。清歌妙舞闌珊。陣陣霜風夜寒。寒夜寒夜。寄語嫦娥睡罷。

後庭花

閨怨

綠堦花影翻紅。攔燕語喧。明鏡嫌眉瘦。空牀厭夢煩。倚黃昏。東風無賴。又來吹斷。竟。

如夢令

柳絮

一捻宮腰削素，獨舞朱樓深處。有意送春歸，也向天涯飛去。且住且住，爲道章臺日暮。

病嚙

半似醉鄉情趣，半似睡鄉心緒。怯怯病中身，則待放他何處。無據無據，一任西風吹去。

戲贈小伶

六幅裙兒半掛，八字睂兒半画。笑問若耶人，何事西施未嫁。長夜長夜，爲語新粧休卸。

春夢

春夢偶然失曉。催起數聲嬌鳥。軟立倚郎肩。宿黛無心。
重掃罷了罷了。粗服亂頭都好。

題王阮亭雨花圖

晏坐袈裟垂地。玉蘂從空飛墜。摩詰轉王維。天女自然
游戲。如是如是。應證雨花三昧。

長相思

捲簾

朝捲簾。暮捲簾。簾捲西風風捲煙。煙寒風雨寒。倚欄
杆。淚闌干。聽盡哀鴻聽怨蟬。愁覓飛暮天。

春閨

花飛飛絮飛飛、綠上睂山紅上衣粧樓、日又西、蝶飛
飛燕飛飛、飛向雕簷等伴棲、吹簫人不歸、

歸自謠

春思

春命短、寒食雨來芳草滿、梨花夢去東風懶、惜春人
倚雕欄畔、腰肢剪流鶯、又把閒愁管、

醉太平

山中

山中小園、園中小山、閒閒十畝之間、與白鷗往還、竹
枝一竿、柳枝一彎、新來添設花欄、喚橐駝種蘭、

醉公子

本意

何處貪杯酒。愁殺閨中婦。尚喜晚還家。剛留一盞茶。
扶得和衣睡。冷卻鴛鴦被。不敢罵檀郎。喃喃呪杜康。

昭君怨

弔臘梅

昨夜風鞭雨打金屋曉。來飄瓦。尺土葬驚衣。哭江妃。
正是天寒日暮。空谷佳人何處。雲鬢惜餘香。試啼粧。

春盡

不見落花飛絮滿。目土風沙雨。漂泊可憐人。奈何春。

地下杳無消息盼斷画衣香。白日照掩青簾夢江南。

醉花間

春闈

蘭湯沐。湘裙束。懶把鞦韆蹴。儂自理秦箏。郎自歌吳曲。
花冠一笑偏。翠袖三薰足。芙蓉帳底眠。春夢同郎續。

酒泉子

雙鰓

離情

月白風清今夜誰家住。去過長亭接短渡。傍孤城。知
君馬上聽鷄鳴。妾也朝朝早起。剔殘燈。空庭裏。拜三星。

點絳脣

綠陰

夢破簾開。隔牆謾謾風聲亂。徘徊池畔。綠影浮波面。
閉鳥藏花。收拾春光暗。遮不遍。新愁一段。綠繞天涯散。

楊花

新綠排衙。問伊何事輕粧卸。天斜頑耍。惹得黃鸝罵。
無主東風。夾云隨他罷。憐今夜。落紅偷嫁。同宿雕欄下。

秋海棠

空谷佳人。淡紅衫子天然艷。風清露淺。脉脉凝啼眼。
恰似傷秋。倚徙湖山遍。憐誰伴。重簾不捲。有个人腸斷。

玉簪花

夢草淒涼。漢宮遺下搔頭玉。淡粧素束。一顧傾紅綠。
清露晨流。髣髴香盈掬。娛幽獨。廣寒留宿。疑舞霓裳曲。
春光好

春閨

掩繡閣。鏡臺封。鬢雲鬆。聊聊私語小窗中。罵春風。整
日懨懨沉睡。侍兒問。怎朦朧。却是背人偷搵淚。枕痕紅。
女冠子

美人走馬

青樓年少走馬章臺馳道。倚逍遙。急雨桃花滾。輕風燕
子驕。春芽擁翠髻。香汗發紅潮。轡兒跑不住。抱鞍橋。

桃花燕子
皆馬名

浣溪紗

春閨

日影籠煙小閣明。侍兒初掠曉粧成。画樓何處又歌聲。
故掩珠簾驚燕燕。戲拋紅豆打鶯鶯。晚來獨傍落花行。

美人醉

小盞低斟不當羞。粉腮紅暈早堆霞。春風帶雨顛桃花。
強對檀郎粧淨粧。慢扶小玉露天斜。和衣睡倒太嬌些。

馬上見

勝袴新裁蟬翼紗。錦勒自織鳳頭韉。春風不耐碧油車。
金步搖飛金勒動。玉跳脫裊玉鞭斜。滿堤青草襯紅
霞。

有客爲王校書索贈漫題二闕其字浣若爲調
浣溪紗其名西也以西字爲韻

聞道王孃舊姓西。採蓮重出若耶溪。淡粧羞學捧心啼。
春水錦帆嬌白紵。秋風香徑印紅泥。昵郎子夜醉烏
棲。

坡詩儂家舊姓西

家住閭門西復西。鳳凰橋上夜烏啼。綠楊巷曲画簾低。

宛轉腰身飛乳燕、聰明性格點靈犀、粉牆拂袖待留題、

清明悼亡 二首

陌上家家挂紙錢、東風客舍淚潸然、難攜盃酒滴重泉、
朱戶幾人同插柳、青山何事尚含煙、江南夢繞斷腸天、

少女長安歌踏春、鸞靴翠韞已成塵、棠梨時候獨沾巾、
宮草幾年堆燕冢、土花終夜照魚燈、君王猶自望

昭陵

孝昭皇后忌日
駕幸沙河設祭

題陳其年小影

側帽輕衫古意多。烏絲欄寫懊儂歌。紅兒解唱定風波。
畫中人也翠管吟殘澆一斗。玉簫吹破斂雙蛾。酒闌曲罷奈
髯何。

伊川令

和范夫人韻

空房夜夜垂羅幕。雁柱拋絃索。又報海棠零落。香徑欲
行還却。紅腮枕上羞托。知郎春夢繞天涯。不肯到鞦韆
院落。

菩薩蠻

春愁 二首

鸚哥啄碎花鬚落、曉風低弄秋千索、剛上一重樓、青山
又送愁、幾番寒食雨、柳絮依人舞、春夢晚歸家、小池
聞暮蛙、

春風婀娜飄簾幙、玉鈞踏破花陰薄、綠柳舊長堤、王孫
騎馬嘶、誤聽新燕語、倚遍欄杆午、權把淚痕收、東君
不解愁、

聽雨

雨聲碎、滴琅玕、竹風聲輕、憂珊瑚、玉月影又模糊、和煙
上鷓鴣、屏名濕螢游、古屋蟋蟀悲、秋菊羅帳蕙香殘、幽人

曉夢寒、

無題

八首

画簾捲斷珊瑚索。繡牀小夢隨風落。殘月杏花堤。曉鶯
恰恰啼。美人含笑立。露葉牽衣濕。待得侍兒來。粧奩
一半開。

烏衣雙燕穿簾舞。銜花故墜金釵股。陌上柳絲飛。錦屏
人未歸。小窗沉晝閉。山枕留香睡。春夢杳如煙。知他
向那邊。

竹鳩喚起斜陽夢。楊花倒挂金泥鳳。獨自摘青梅。鞦韆
印翠苔。羅衫薄不綰。襯得東風軟。一捻小香脂。無端
蜂蝶知。

花臺日暮鶯辭去。暖風吹散麝脂雨。春困晚梳頭。珠簾不上鉤。亂紅隨地掃。又見宜男草。半醉倚殘粧。花間待阮郎。

梨花帶雨飄香雪。亂蛙啼出西窗月。庭砌綠陰濃。羅衣惹暮風。画梁新燕乳。宿夢呢喃語。喚我掩湘簾。夜深清露寒。

香蘭笑向銀屏吐。小蠻起作迴風舞。日靜綠紗空。美人春夢中。簫聲吹月白。柳帶籠煙碧。芳草滿江南。相思一夜添。

疎風細雨和春語。扁舟欲載花兒去。燕子不歸家。盼他

午日斜。落紅一晌顫。界破殘粧面。收拾護花鈴。鸚哥報壓驚。

馬蹄踏遍天涯草。杜鵑啼破東風小。花落碧欄橋。翠樓紅袖招。斷香隨路宿。懊惱枝頭綠。春去不須留。擔他一段愁。

午日

綵絲斜裊金跳脫。篆符戲綰同心結。酌酒勸檀郎。蒲花襯口香。蘭湯初罷浴。窗外調雛雛。剛抹守宮斑。明點點殘。漢宮人。午日以守宮封臂。

夏閏二首

一堵芳草茸茸綠。亂飛蛺蝶無人撲。欲摘小薔薇。嫌他
棘刺衣。晝長停繡譜。私共雙鬟語。心怯越梅酸。只將
纖手搏。

錦葵花底彈棋坐。一簾明月留人臥。粉汗濕紅襦。倩郎
搖素紈。雲鬟胡亂挽。羅帳金鈎捲。笑擲竹夫人。無端
一面嗔。

月夜

遠山新吐蛾眉月。半鈎飛入梧桐葉。剛得照粧臺。昵人
脫燕釵。風吹裙帶急。花下凭肩立。細數舊時歡。低頭
屈指尖。

冬閨

翠鈿盡卸香雲綠、紅衫鬆扣纖纖玉、旖旎揭羅帷、移燈
匿笑時、閉門霜月去、不減春宵味、爐火釀餘煙、氤氳
初睡還、

丁巳九月病中有感

八首

曲江芳草年年碧、郎君騎馬臙脂色、白首苦低垂、花間
扶杖歸、逢塲曾作戲、喬扮參軍勢、濃笑寫官銜、排行
無二三

六宮鬧掃芙蓉鏡、君王偶愛飛蓬鬢、殿脚惜空同、昭陽
天幾重、煬帝呼吳絳仙爲螭峒夫人言空同也江南春雨晚、紅豆新歌滿

流落杜秋娘琵琶憶上皇

少年悔讀高唐賦片雲片雨無尋處欲買美人圖吳宮
香粉無三山青鳥斷夢緣何時見夜夢是耶非玉釵
金縷衣

平生脫手千金劍衣鶉馬狗今誰盼負負復何言饑來
難叩門白衣應送酒凝望終無有不見夜飛蟬山妻
劇可憐

杜甫令妻見友韋侍御以夜飛蟬贈之

關山戎馬驚鼙鼓軍書百道征徭苦風急雁寒呼荒田
寸草無千家聞野哭鬼火逃亡屋歎息返柴廬當門
立吏胥

短衣正馬盧龍道冰霜千里催人老白髮影婆娑秋風
鬼病多 苦寒還苦熱飛夢驚明滅何物返覓丹空囊
無一錢

白雲冉冉蒼梧下曉猿夜鶴依茅舍此地豈蓬壺夢遊
疑有無 一生幾兩屐願作山中客只乏買山錢桃源
不在天

著書自苦徒爲爾千秋萬歲誰傳此前後兩茫茫三生
人斷腸 黃金空鑄錯彩線難縫絡何處度餘年除非
離恨天

阮生失路澆淚無端屈子問天寄愁何處水以不平

而激水因有鬱而奇情有所之理固然矣吾友悔菴
文高於命宦薄於名艷曲三章欲醉沉香之酒奇才
兩字不分歸院之燈孤竹崖前空隨射虎百花洲上
徒共眠鷗劉公幹高臥清漳王仲宣哀吟荆楚爰以
沉鬱之意寫爲穠麗之音此病中八首所由作也夫
生而識字卽種愁根長解言文原非善氣惺惺自合
人奴咄咄何堪令僕吾儕若此復何怪耶子善吹簫
請命小紅而按節我爲拔劍聊浮太白以倚聲豐南
吳綺跋

揚州懷古 二首

阿麼曾夢江都好迷樓一炬空荒草何處教吹簫淒涼
廿四橋西風吹客舍落葉隋堤下誰唱望江南惟聞

昔昔鹽

謂鹽商也

青樓小杜揚州夢紗燈萬點觥船弄書記縱才高憐才
思太牢途窮悲逆旅一飯今誰主翠袖薄寒時却吟
老杜詩

佳人集曲名

步搖顆顆珠環小裙拖滴滴金泥巧早起傍粧臺笑兜
紅繡鞋名香羅帶染碧玉鈎簾捲度曲喜雙聲呼郎
並合笙

秋思迴文 二首

冷霜凝月搖空影影空搖月凝霜冷花落晚窗紗紗窗
晚落花 斷腸人字雁雁字人腸斷啼夢曉風西西風
曉夢啼

一聲啼雁鋪沙白白沙鋪雁啼聲一孤枕夜凉初初凉
夜枕孤 搗砧和夢悄悄夢和砧搗愁客望高樓樓高
望客愁

巫山一段雲

賀侯大年新婚

鳳壻名蕭史。珠娘號麗華。春風初長合昏花。門駐碧鈿

車。佳話玉如意。新粧香辟邪。紅窗蠟燭小侯家。臂繫
漢宮紗。

集美人名

紫玉雕歌扇。紅綃織舞裙。年華小小貌真真。錦字寫雙
文。花藥當窗見。蘭香隔座聞。莫愁春信夜來分。入夢
有朝雲。

卜算子

夜憶

秋雨急如箏。彈破江南夢。野外西風葉葉吹。撼起棲鴉
動。夜永惜燈殘。衾薄知寒重。飛盡征鴻莫寄書。曲冷

文君弄

文君弄琴曲

閨思

整日數歸期。數了回頭數。不信朝朝暮暮思。層本看掀。
破。特地倚門粧。依舊空牀臥。多分宵來夢不應。今夜
拚重做。

憶別

憶別燕雙雙。新燕添三五。教妾空房羞獨眠。打碎巢邊
土。莫更摘花來。且自銜書去。喚得蕭郎早早歸。與汝
重修補。

減字木蘭花

送春

重門深掩。不道背人歸去遠。倦燕嬌鶯啼出陽關第四聲。含愁相問。飄泊天涯何處定。夢斷羅帷。今夜明朝睡起遲。

春去

春乎欲去。何以贈之雙淚雨。回首東風一縷飄。覓趕落紅。綠兮滿樹。花影半窗秋色暮。人倚欄杆愁聽空梁燕語寒。

新竹

此君一个與我周旋。林下坐新出三竿。官樣青袍玉笏。

班蕭蕭風動驚破西堂春草夢舊籜還裁好放些兒月影來

醜奴兒令

偶感

春來秋去何時了昨日陰山今日陽關白髮黃鷄彈指間只○求○夢○裏○流○年○好○今○夜○邯○鄲○明○夜○巫○山○睡○過○三○生○亦○喜○歡○

柳含煙

楊柳

青青柳正藏鴉借問風吹多少霓裳一舞自堪誇藉楊

家明皇偶話飛燕避風事戲妃子日爾則任吹多少可
以妃微有肌也妃日霓裳羽衣一曲足掩前古
恨銷魂橋畔路送去征人無數却教閨夢變飛花向天
涯

謁金門

愁

奈何許欲說近來愁緒愁到依然無一語羅衫幾點雨
舊事子規催去新恨鷓鴣留住夢逐東風無歡處飄
零隨柳絮

寒夜

人寂寂一派暮愁天色風剪輕寒落漸側紙窗吹半黑

正對孤燈蕭瑟又聽孤鴻啼壓庭外黃花清露滴淚
痕依樣濕

代和韋莊

有序

雜紀云韋莊有寵人資質艷麗兼善詞翰蜀王建聞
之託以教內人爲辭奪去莊追念悵怏作謁金門詞
云空相憶無計得傳消息天上姮娥人不識寄書何
處覓新睡覺來無力不忍把伊書跡滿院落花春寂
寂斷腸芳草碧姬聞此詞遂不食而卒予惜其未有
和篇因擬爲之

休相憶紅葉不傳消息燕鎖雕梁路未識舊巢難再覓

風捲楊花無力浪打萍花無跡永巷夜臺同寂寂土
花凝血碧

題龔靜照鵲紅稿

鵲紅稿靜照恰同清照最是銷魂新句好迴身將夢抱
叵耐氤氲顛倒彩鳳教隨烏鳥曉鏡画眉添懊惱紅
顏祈速老

憶秦娥

感春

春來矣春風細剪春林綺春林綺夢隨春住情隨春使
春粧含笑春衫淚春光活潑春心死春心死一番春

恨一番春喜

更漏子

獨夜

五更風三點雨并作零鐘斷鼓殘葉影落花覓淒淒來
叩門天涯雁飛聲亂叫出傷心一片倚半枕擁孤衾
相思睡不成

有懷

春風香秋月弄斷送十年殘夢如意曲定情詩相思不
自持巫山高湘水遠惆悵彩鸞緣淺霍小玉董雙成
他生定遇卿

百末詞

卷二

長洲尤 侗

清平樂

梅蘂

煙姿玉骨。淡淡東風色。勾引春光一半出。猶帶幾分羞澁。隴頭倚雪眠霜。寒肌密抱疎香。待得羅浮夢破。美人打點新粧。

蘆花

秋風澤畔。小草霜華染。比似楊花吹不斷。却被雁銜天半。月明野渡蒼茫。伴他楓葉吳江。堪笑白頭老子。夜

寒尚倚紅粧。

春閨

懶粧草草怕說春光好。幾日傷春吟未了。一幅烏絲殘稿。晝長午夢初醒。碧桃花下微行。閒喚侍兒消遣。小樓偷放風箏。

阮郎歸

旅思

他鄉無處不淒其。晚春人易悲。楊花飄泊水荂啼。高樓憶別離。宿酒醒。篆煙微。愁來睂漸低。滿簾風雨斷腸時。一聲玉笛吹。

喜遷鶯令

賀李丹壑秋捷時年十六歲

唐學士李青蓮公子更翩翩荷衣總角賦高軒名字報
紅箋 曲江宴櫻桃畔爭看紫騮白面嫦娥應遣小嬋
娟花插帽簷邊

海棠春

晚粧和阮亭韻

更衣斗帳流蘇響拂舞鏡垂垂絲網一片美人雲弄影
秋波漾 小鬟幫襯新興樣梳掠罷口脂相賞飛鬢惱
春風莫放罌罍敞

午睡和韻

氤氲繡幙香生足。欹山枕、弓腰低曲。一榻藕肢柔。剛貼芙蓉褥。夢中輔體靡紅肉。驚起墜釵寒玉。笑看抱誰眠。却是夫人竹。

晚浴和韻

回簾雙燕爭花影。睡未足、海棠驚醒。玉骨六銖輕。心怯溫泉冷。起來弄色芙蓉鏡。分外好髻鬆。鬟整無力倚薰籠。呼點龍團餅。

夜坐和韻

井梧葉落聲如雨。又風送、小樓砧杵。淡月隱屏山。花底

聞私語 空牀好夢拋人去 厮守盡更更鼓不見謝
郎歸燭影搖松塵

爲吳蘭次壽馬少君

長沙星畔扶風馬

姬長沙人

看綠鬢白睂相亞月裏嫁吳剛

桂殿鴛鴦瓦

嬌兒玉雪粧臺下自句讀焉哉乎也生

日在幽風君子歌需雅

七月誕辰

攤破浣溪紗

春閨

愁倚東風唱踏莎 画屏十二自騰那央及班鳩天外去
喚哥哥 無限翠輦低遠岫 幾番紅淚上橫波却與落

花千萬點一般多

卽事

燕子樓中燕子飛
鷓鴣屏外鷓鴣啼
笑看蕭郎盤細馬
畫橋西
鶯管笙囊調艷曲
鳳花簫局試香衣
怪底游人爭指道
使君妻

眼兒嬌

画眉

水晶簾下看梳頭
宛轉小簪修
自然宮樣遠山欲
笑新月如鈎
絳仙何用供螺黛
淡掃恰風流
張郎多事橫
添一筆帶出閒愁

三字令

雁字

紫塞雁望南飛。寫烏絲、一畫破。八分齊鶴。銜書鵲。換帖。
不如伊。征戍客。寄相思。却無題。蕩子婦。夜眠遲。驚回
頭髮。見那人兒。雁字爲人

少年遊

離情

長亭回首暮雲遮。今夜宿誰家。馬上曉風。渡頭殘月。催
送到天涯。小眉不画鬢兒斜。鎮日背菱花。記得當時
手斟盃酒。閣淚撥琵琶。

西江月

桂花

金母團成金粟天妃散亂天花王孫山裏大排衙不許
蘭稱王者分付吳剛休斫偷香有个蝦蟆此身已坐
廣寒家仰叫素娥飛下

新嫁娘

月下雲翹卸早燈前羅帳眠遲今宵猶是女孩兒明日
居然娘子小婢偷翻翠被新郎初試蛾眉最憐粧罷
見人時盡道一聲恭喜

春恨

燕子不歸繡戶，画簾空鎖斜陽。春風吹夢到池塘，芳草對人惆悵。楊柳挂愁百尺，杜鵑啼淚千行。晚來特地倚紗窗，爲問落花無恙。

自警

意氣紛紛鬪蟻，功名戀戀游蜂。道人打徹五更鐘，驚醒十年噩夢。心事半銷秋雨，鬢絲難繫春風。今來古往夕陽紅，牛背笛聲三弄。

梅村作物幻八詩，頗極巧妙。予謂其題近於詞，爲小調足之。

蘭虎

五道蠶叢初闢。三盆虎圈俄修。采桑秦女自風流。翻學
下車馮婦。浴罷恰如得子。纔成便可封侯。綵絲束縛
挂釵頭。傍向盤龍欲闘。

茄牛

小菜放於牧野。太牢起自田家。樊遲老圃大開衙。演出
伯牛司馬。入甕莫愁。敲齏着鞭。却喜丫叉兒。童牽線
笑喧譁。唱道夕陽來下。

鰲鶴

聞說枯魚欲泣。何爲化鶴來歸。霓裳玉佩自清輝。入肆
終慚形穢。北海已成速朽。南山幾見高飛。鯢鵬變化

是耶非小作逍遙遊戲

蟬猴

齊女一朝怨死王孫再世嬉游三聲哀叫斷腸秋却恨
當年無口 跳擲不憂螳臂沸羹早兆羊頭從來蟬冕
拜通侯問是沐猴冠否

蘆筆

書帶草生筆冢墨池人在蘆中白頭翁變黑頭公夜
夜飛花入夢 晝荻教成孺子編蒲學近儒宗雁行銜去
向江東寫出錦書珍重

檣燈

金縷千頭火樹玉荷四照霜花書生懷袖向窗紗長伴
紅衣不夜 心事任教分割風光尚費周遮美人對影
暗嗟呀決意爲郎吹罷

桃核船

種自玄都道士載從渡口漁翁小兒偷出碧雲宮頃刻
帆檣飛動 蘆葦似來江上竹枝疑汎圖中桃根桃葉
棹歌同兩槳春風吹送

蓮蓬人

妾比芙蓉解語郎如碧藕多思個人憔悴倒懸時知道
無心憐子 空洞此中無物崛強猶昔孤支亂頭粗服

貌如斯未必六郎相似

南柯子

懶懶和卿謀韻

侍女休催繡才郎莫画眉春來常倩夢追隨只爲羅衣
不耐曉風吹垂手嫌紅袖凭肩戀錦帷生憎花影學
人窺央得鸚哥傳語却忘誰

旅中苦雨

土雨埋荒草金風剪敗荷行人滑滑奈泥何不道夢覓
夜夜渡淖沱遣興搜書裏關愁伴枕窩孤衾早怯曉
寒多試問江南小閣尚輕羅

醉花陰

閨病

海棠夜向西風哭。瘦損枝頭玉。秋雨冷啼粧。半枕紅痕。
淚染羅裙綠。藥煙細裊湘簾曲。鏡掩芙蓉褥。閒煞画
眉人。懊惱文君。倒犯相如獄。

寒食

春光百五渾依舊。細雨宵來湊。未到落紅時。默默東風。
已向桃花呪。江城客舍孤單候。白日清寒透。天意也
銷魂。捲盡疎煙。禁得垂楊瘦。

雙調望江南

西山燒香曲 二首

清早起。天色趁新晴。飛鬢斜拖雙燕翠。画衣薄襯小鴉青。素裹玉丁丁。迴鏡照時樣。稱人情。多分拚教游。子看私先。央及侍兒評。公論是輕盈。

呼女伴。好趁一春閒。紅板浪船行緩緩。白藤山轎坐端端。低扇避人看。拜佛罷。本意不相關。戲買粉孩敲木棒。強分葉子賭金環。圖得大家頑。

杏花天

旅思

消磨白日渾無計。算只有短眠長睡。歸夢做來千萬次。

紙上重重牢記 相思樣子都相類換不出思鄉新意
懸知閨夢多佳事得个書兒題寄

浪淘沙

樓上愁和卿謀韻

二首

贏得許多愁歲月悠悠秋風秋雨冷雙眸欲贈湘君搵
杜若難問芳洲 長嘯倚南樓霜鬢颯颯欄杆拍遍把
吳鉤惆悵歸來無个事又上燈篝

回首仲宣樓浩浩江流楚雲湘雨幾家收画角西風聲
一片烽火神州 准擬況新愁一葉扁舟珠簾捲盡雁
行秋無賴夢竟飛不定何處相留

咏昭君套

一握小丁貂艷色茸毛金璫滿座總粗豪粧向美人頭
上去別樣妖嬈雙尾鬢雲交秀映眉梢若教上馬更
多嬌從此香閨添小字喚作昭昭

貂出丁零國

感舊

故舊半凋殘滿目青山姓名恍惚古人看追憶平生都
似夢今日竟還老去鬢毛斑努力加餐百年應作六
如觀世事浮雲君莫管還我漁竿

題劉六皆桃源圖

紅樹滿青山澗水潺潺煙霞無恙洞門關前度劉郎今

又至綠鬢微斑 花下倚雙鬟一笑追歡胡麻屑飯勸
加餐莫學淮南天上去鷄犬雲間

鷓鴣天

和葉小鸞夢中作

口詠金經手採香自言自笑自相忘雲游瑤碧三山遠
舟戲珊瑚一水長 花築榭樹迴廊閒持藜杖逐流光
何人松下敲棋坐子落丁丁猶費忙

題吳水仙画

拂水佳人墮馬粧春來響屧滿橫塘繡襦甲帳無消息
暮雨瀟瀟空斷腸 筆翡翠硯鴛鴦吳綾三尺寫紅窗

青山碧水無人處亂點桃花賺阮郎

繡襦甲帳吳衫鸞
事暮雨蕭蕭郎不

歸吳娘詩也

河傳

戲擬閨中十二月樂詞

正月 第一體

新年吉利華勝粧釵宜春貼字檀郎把酒屠蘇索醉道
兒家得歲 鬧蛾滿路鰲山會猜燈謎輸了鴛鴦翠却
拉鄰家姊妹紫姑相伴戲

二月 第二體

春半社來飛燕麗日花朝茜裙撲蝶過紅橋垂腰折柳

條漢宮寒食新傳火貽雕卵耍笑郎家果牆頭馬上
看秋千喧闐爭分白打錢

三月 第三體

春午紅雨湔裙曲水采蘭江渚萬花興百子襦伴侶踏
青芳草舞拾來鬪合鴛鴦譜瑤環賭贏取同心縷晚
還家倚碧紗周遮金鈴偷護花

四月 第四體

紅英已謝綠枝方亞拂拂薰風一番穀雨曉來香透簾
櫳鼠姑紅羅敷日日條桑下綠絲罷梅潤羅裙袂小
窗閒處提壺白試新茶換輕紗

五月 第五體

佳辰重午釵懸艾虎臂纏綵縷龍舟兩兩競渡回鼓雕
弓射角黍 蘭湯浴罷蒲觴汎紅生面窈窕搖葵扇凭
欄杆輝髻鬟闌珊乞郎半夏丸

六月 第六體

玉骨冰肌天然無汗紈素風來髮華香散小池邊櫂船
歌採蓮 晝長獨抱青奴臥桐陰破枕畔金釵墮起看
明月上紗窗蕭郎桃笙今夜涼

七月 第七體

高樓乞巧綵花飛起雲霞繚繞金鈿七孔試穿針裊裊

穿出雙頭巧。戲呼烏鵲填河去。凌波步便喚郎來渡。
渡來時赴佳期。水嬉銀盆弄化兒。

八月 第八體

瓊樓玉宇紫雲霓。羽廣寒何處有人歸。月府白衣歌舞
是嫦娥。小女月圓正值人圓夜。簫樓下彩鳳應同跨。
汎金卮。彈錦絲紅兒爲郎折桂枝。

九月 第九體

重九酌酒茱萸遍。插頻開笑口。小樓簾捲也登高相邀。
同餐小鹿糕。自憐人比黃花瘦。垂羅袖。瑞腦薰金獸。
背罨恩步庭墀。秋思題詩梧葉兒。

十月 第十一體

春小緩早鵬哥報道海棠開了粧臺乍曉雲髻新添通
草画衣飛翠鳥 瑣窗容易斜陽下香奩卸無計消長
夜剪金鳧倒玉壺胡盧偷窺秘戲圖

十一月 第十一體

冬至亞歲日初長八尺花間細量新添宮線繡爲鵲尊
章縈將履襪雙 六出花飛風絮起氈爐底瑞炭煎沉
水飲羊羔彈鳳槽蠻腰何妨夜夜嬌

十二月 第十二體

歲暮臘鼓懸螺画虎爆竹爭喧藏鈎戲賭女伴餽節如

何口脂翠管多 黃金湧水成雙鳳
梅妃弄擬獻椒花
頌向圍爐勸酒妾意與郎同火兒紅

旅思 第十體

川犬民眼淒淒孤館悠悠日晚醒來誰伴祇剩殘書敗
卷晝長嫌夢短 天涯悵望雲中樹江南路點點疎星
吐何不歸何日歸相催春風叫子規

鵲橋仙

七夕

玉鈎画燭金風簫鼓迎送鵲橋雲雨鴛鴦債欠許多時
着意在今宵賠補 才郎乞巧佳人穿縷癡絕不知甘

苦夜深宛宛頸睡雙濃那聽得人間私語

佳人

月睂星眼煙鬟霧髻渾是一天粧束尤雲帶雨更風流
甘折却人間庸福 鶯鶯燕燕紅紅翠翠刪盡侍兒名
錄鴛鴦譜樣總平常新翻出憐歡題目

落花

乍晴乍雨乍寒乍煖做作幾般天氣個人猶自不禁持
何計教花覓迴避 正青芳草未衰楊柳只短天桃年
紀落紅萬點總無情賺多少香閨清淚

桃名短命花

南鄉子

百才詩
春愁

紅雨曉闌珊。寂莫梨花淚未乾。飛絮滿庭人倦起。偷憐
盡日鸚哥話夜寒。巫峽夢雲單。懊惱春光一半殘。索
性閉門推却去。孤眠獨讓東風自倚欄。

病集藥名

弱骨怯天冬。滿地黃花憔悴同。雲母屏邊休竚立。防風
烏頭却似白頭翁。自笑寄生窮。愁脉難將草木通。泉
石膏肓甘遂老。從容領取雲山藥餌功。

閨中除夕

榑柁煖爐煙。笑勸屠蘇稱合歡。自爇沉檀供繡佛。低言

願妾紅顏勝舊年 隔夜整釵鈿守着梅花不去眠更
有一椿郎識取團圓預乞明朝拜節錢

閨中元旦

燈下了粧奩玳瑁堂前春色添萬福歸來無一事慙慙
自揭薰籠換繡衫 迎喜出門檐笑看家家下竹簾瓜
子滿堦人莫掃纖纖曾帶脂香唾舌尖

平鄒氏廢園

華屋委荒丘蕭瑟西風十二樓留下空梁巢燕子啾啾
夢憶珠簾碧玉鈎 歌舞彩雲流野草斜陽伴客愁惟
有青山依舊在悠悠看盡紅顏又白頭

園有十二樓舊
貯姬妾處也

席上戲贈女伶文玉

珠箔舞蠻靴淺立，氍毹宛轉歌。忽換猩袍紅燭艷，睂科

錦繖將軍小黛蛾。

時粧淮陰侯故事

鬢髮尚盤螺，一瓣絲鞭燕

尾拖爲待情人親解取，誰何春草江南細馬馱。

晉女米字者鬢

後垂，鬢解鬢則破瓜矣。

虞美人

憐病

病魔纔別書帷去，又借香奩住。懨懨瘦骨怯春紗，猶向藥煙影裏問殘花。
曉來強起粧臺立，攬鏡愁眉窄。侍兒且罷掠雲鬟，恐怕春風多厲不勝寒。

虞美人花

重華昔向蒼梧死羽亦重瞳子至今舞草號真兮可似
黃陵斑竹泣湘妃 君王莫恨江東小煖日花光好開
時常對杜鵑紅一樣暗傷亡國月明中

石榴花

李家妹子陶家姊甘逐封姨死石家房老剩鸚鵡風好把
小名醋醋換紅紅 艷粧底事心如火生相逢重午蕭
郎笑插玉人頭問道留儂儂去若爲留

思歸

官街聽徹三更鼓縮脚寒衾苦無眠終夜眼常開那得

巫山湘水夢竟來 隔江望斷家鄉路
小雪冬垂暮扁舟歸去未嫌遲
正是紙窗爐火半香時

玉樓春

爲黃大宗悼亡郭少君

二首

柔腸最怕傷心賦 聽說埋香淚便墮紅顏
價是誤青春斷送桃花一夜雨
飛瓊攜手瑤臺路應駕鈿車遊戲
去可堪拋向玉鈎斜夢散彩雲無覓處

落花急似三更漏弱質盈盈纔十九
杜鵑哭殺少年墳小字彤碑碧血繡
蕭郎夢斷靡蕪後寶鏡鴛鴦難再
偶可憐薄命玉容人值得輓歌三十首

大宗有悼亡三十首

梅花引

曉行

曉星稀曉風低曉月如霜冷射衣曉鷄啼曉鷄啼啼上
征鞍朦朧古道西水聲鳴咽行人淚雁聲嘹唳歸人
字影淒其影淒其班馬頻嘶前村望酒旗

踏莎行

閨怨

獨上粧樓青山如昨画眉彩筆春來閣休彈紅雨濕花
梢淚珠自向心頭落可恨東風年年輕薄天涯不管
人飄泊漫將薄倖比楊花楊花猶解穿羅幕

題周寶鐙坐月浣花圖 二首

坐月青蓮浣花工部閨房之秀兼雅趣燃脂寫出麗人
行風鬟雨髻姍姍步 碧杜紅蘭明珠翠羽葯房移傍
湘君住可憐蕩子不歸家長吟蕩婦秋思賦 葯房夫人
田自號老蕩子

放誕文君風流樊素璫人更在倉庚妒武昌新柳自青
青生憎隔岸晴川樹 夫人在武昌
大婦在漢陽 歡暈紅凝愁眉綠聚

幽情難向狂夫訴莫攜此卷渡江來津頭有个興風雨

客店

殘月在林晨鐘動野行人慣聽烏啼夜一鞭古道又斜

陽村田看盡羊牛下。草席泥牀瓦盆茅舍東餐西宿。
何時罷孤燈半枕夢江村。隔簾驚起蕭蕭馬。

小重山

金陵懷古

依舊青山繞建康。南朝佳麗地。草茫茫。景陽脂井冷銀
牀。秦淮月猶照故宮牆。弔古石頭岡。大江流日夜。幾
興亡。鷄籠鼠雀滿祠堂。君莫問。策蹇下斜陽。

維揚旅思

錦纜牙檣金犢車。竹西歌吹地。鬪繁華。閒來獨弔玉鈎
斜。隋宮女爲我訴琵琶。客夢繞天涯。江山雖窈窕。不

如家二分明月廣陵花一分月還照小窗紗